

Athugasemdir vegna fyrirhugaðrar sorp-flokkunaraðstöðu á ENGJUM

Til : Vesturbyggð <Vesturbyggd@vesturbyggd.is>
Frá : Halldór og María <ba59@simnet.is>
Heiti : Athugasemdir vegna fyrirhugaðrar sorp-flokkunaraðstöðu á ENGJUM
Málsnúmer : 2202042
Málsaðili : Vesturbyggð
Skráð dags : 30.04.2022 00:00:00
Höfundur : Halldór og María <ba59@simnet.is>

Erindi frá
Halldóri Árnasyni.

Góðan dag.

Ég undirritaður er borinn og barnfæddur á Patreksfirði og hef átt heima hér alla tíð.

Mig langar að benda á að fyrirhugað sorpflokkunarsvæði, er ekki í Fjósadal, heldur á ENGJUM!

Ég er með pappíra upp á að ysta húsið þar er ENGJAR nr 4.

Ég vil einnig láta ykkur vita að þarna á Engjunum er afskapleg blautt.

Reynt hefur verið að grafa skurði til að veita vatni frá geymsluhúsunum, með litlum árangri.

Ég tel það vera mjög kostnaðarsamt að fara í jarðvegsskipti og framræslu á þessu svæði.

Hvar er nú umhverfis-verndar fólkið? Hafið þið gengið þarna úteftir bökkunum? Þar fremst á brúninni eru þær stærstu þúfur, sem ég og fjölskylda mín höfum séð.

Krakkar hafa gaman af að fela sig milli þessara risastóru þúfna.

Einhvers staðar verða að vera ósnortin svæði fyrir göngufólk. Ég veit að margir ganga út á Engisenda og þaðan út í Hlíðardal.

Á Engjunum er mikið fuglalíf í þessari blautu mýri. T.d. er þetta eini staðurinn sem við höfum séð að músarindillinn verpir hér í nágrenninu.

Enda er svona vistkerfi óalgengt hér.

Hentugra væri að hafa stórt hundagerði á þessu svæði. Einnig vil ég nefna að kolefnisspor er mikið hærra, við að brjóta nýtt land, heldur en að nota það sem fyrir er.

Hvað á að gera við svæðið, sem nú þegar hefur verið lagt undir allskonar drasl og sorp? Væri ekki nær að nota það áfram og skipuleggja betur, heldu en að umturna nýju svæði.

Það svæði er þurrara, þó nokkrir lækir komi þar líka úr fjallinu.

Síðan er það aðgengið að þessu nýja svæði. Ég sé á upprætti að fyrirhugaður er vegur upp núverandi halla, sem er framhald af Mýrunum. Fullhlaðnir bílar, eiga þá von á umferð af Mýrum, sér á hægri hönd, þegar þeir fara þarna upp.

Einnig tel ég miklar líkur á að umferð um Mýrar, (Hóla) og Urðir aukist, því íbúar munu fara þá leið á sorpsvæðið.

Frekar ætti að huga að því að gera þær götur "vistvænar." Þ.e. skapa þar barnvænt umhverfi, heldur en hleypa þar á aukinni umferð.

Ég legg til að ráðamenn sveitarfélagsins kynni sér, hvað "vistvæn gata" merkir, bæði hér á landi og erlendis.

Mín tillaga væri sú að ef endilega þarf að fara þarna úteftir, þá væri

farið meðfram sjónum, þar sem nú þegar er vegur og Vesturbyggð hefur valið sem losunarstað fyrir alls konar uppgröft.

Haldið væri áfram út með skúrunum utan við Vatnskrók og í átt að fjárhúsum Sæmundar Jóhannssonar. Brekkan upp að fjárhúsunum væri breikkuð og sett ræsi þar í Fjósadalsána.

Þar með væri komin aflíðandi brekka, sem kannski mundi ekki safna svo miklum snjó í sig og íbúar á Mýrum, Hólum og Urðum lausir við umferð, sem þessari starfsemi fylgir.

Á undanförunum árum hef ég tekið eftir að umferð á þessum götum hefur stór-aukist, þ.e. skapast hefur hér svokölluð hring-akstursleið, bæði ferðamenn og heimamenn.

Virðingarfyllst,

Halldór Árnason
Mýrum 8, 450 Patreksfirði